

1 JOHN, II.



Dip Qunāt. 'la ni dams kōna laushim, a'l dum gan ak hada-dakqushim, Ni'l gi ze da hadak-qu'l ligi giaul 'l giat, 'la didā t'an Laakyētqum awā'l Nagwaud ge, ni'l nēt Jesus Christ 'le āmit ge.

2 Ni'l nēt an-goua-giānit a'l 'le hada-dakqum: nigi gum kshak nēt lip 'le hadadakqum, yai uk dī welt ge a'l gwulga nēt 'le hadadakqu 'l lak halizog.

3 Ni'l gi t'kōn 'l wil wetqu'l dum gan wilaium a'l 'la dip wil wilaikt ge, a ze dip 'lōduk 'le yō'limgesqut.

4 Nēt t'an ma'lt, 'La ni wilaikt ist, dia, a'l gi nigi t' 'lōduk 'le yō'limgesqut, ni'l nēt ge 'l pīqut, ni'l gi nigi hōksqu shimō laut.

5 Di gi ligi t' nā t'an gup 'lōduk 'le Algiukt ge, ni'l nēt ge shim wil lū gaudi'l 'le shibansqu Shimoigit lakha ge: ni'l nēt t'kōna se dum gan wilaium a'l 'la gup hakhōksqum laut.

6 Nēt ge t'an ma'li'l 'la lū hōksqut laut, tkal-āmt ash nēt ge a'l dum lip yēt ge, wilt 'le dī wila yēt ge.

7 Nigi ni ligi dam'l sī yō'limgesqu laushim, yai nēt 'l wa'lin yō'limgesqu 'le gamgait shkit laushim. Wa'lin yō'limgesqu ni'l nēt 'l ma'lāshqu 'le gamgait naknaishim ge.

8 UK wauk, 'la ni dam sī yō'limgesqu laushim, 'la laak shimōt ge ash nishim gans nēt; a'lwil 'la gaudi'l sgēukqu, ni'l gi gōsqu 'l shimōm gōibuk gōn.

9 Nēt ge t'an ma'li'l lū-dāt ge a spait gōibuk, a'l gi t' libaluḡs 'le wakt, yai spait sgēukqu wil lū-dāt a'l gai gūgōn.

10 Nēt t'an shiban'l 'le wakt ge, nēt ge 'l lū-dāt a spait gōibuk, ni'l gi nigi shki'l gan-shi-gan-yazqu-dī laut.

11 Di gi gup nēt ge t'an libaluḡs 'le wakt ge, nēt ge 'l lū-dāt a'l spaḡait sgēukqu, ni'l gi spaḡait sgēukqu wil dī gwi'l yēt, ni'l gi nigi t' wilaikt 'l dum gaurt, a'l 'la t' wil sinsans sgēukqu ge,

Límik'.

UK' WOGT 'L GIA-DELPQUI LAUT.

1 DUM gau'i awā'l Mīni,
Amen, liksh-giat 'l dum āmt.
Dnm haksim uk didēlis nē
A'l ak dī wil shā-bakt.
'La ōmziksh 'l gaudi gōn,
A'l gai wait dō wil yēi,
Gi weli a'l tḡanetqu sha,
UK wōgt 'l gia-dēlpqui Laut;
Dēlpqui Laut, dēlpqui Laut,
UK wōgt 'l gia-dēlpqui Laut.

2 Gia-dēlpqui a'l Lakha,
Wilp 'l wī Nagwaudi ge;
'La mau ze gaḡba alū-dā'l
'L an'laumsqum hā'lgant laui.
'L ōmziksh 'l gaudi gōn, &c.

3 Gaumukqui a n' dum giā'l
'La ām 'l an-mūi gōn,
Wil wan'l amāmit spait an'laumsq'
Zim sī Jerusalem.
'La ōmziksh 'l gaudi gōn, &c.

4 Gan ām'l lū-yaltquin, Mīn,
Mi gi ginētani,
'A'l dum lū-dāi a'l wil lū-dāin,
A'l ak-shabāim sha.
'La ōmziksh 'l gaudi gōn, &c.

Amen.

Tune, A DAY'S MARCH NEARER HOME.

